



COMUNU DE MARACALAGONIS
TZITADI METROPOLITANA DE CASTEDDU

PROT. N. 4707 DE SU 15.03.2021

AVISU PÙBLICU PO S'ENTREGA DE INCÀRRIGU CUNFORMA A S'ART. 90, COMMA 1, DE SU D. LGS. N. 267/2000 ANCA S'UFÌTZIU DE STAFF DE SU SÌNDIGU

SU RESPONSÀBILI DE SU SETORI I - ECONÒMICU FINANTZIÀRIU, SERVÌTZIUS DEMOGRÀFICUS E RISORSAS UMANAS

UFÌTZIU PERSONALI

Biu s'art. 90 de su TUEL aprovau cun D. Lgs. n. 267/00 e s.m.i.;

Biu su Statutu Comunali vigenti;

Biu su Regulamentu vigenti po s'Organizatzioni de is Ufitzius e de is Servìtzius de s'Enti e in manera particulari s'art. 81 chi previdit sa sceda de apariciai ufitzius postus asuta deretu de is dipendènzias de is òrganus polìticus po sa cumpridura de indiritzu e scrucullu donadas de sa lei;

In cumpridura de sa Deliberatzioni de sa Giunta Comunali n.28 de su 03.03.2021, decrarada deretu cumenti cumpridora, cunforma a sa lei, chi at apariciau unu Ufitziu de staff cunforma a s'art. 90 de su D. Lgs. 267/200 e de s'art. 81 de su Regulamentu vigenti apitzus de s'Ordinamentu de is ufitzius e de is servìtzius;

In cumpridura de sa Deliberatzioni de sa Giunta Comunali n. 32 de su 10.03.2021, chi at aprovau s'abbastu de su personali po su tempus 2021-2023, chi previdit, intre is assuntzionis a tempus determinau, sa bisura de unu Collaboradori Professionali part time po n. 12 oras a sa cida cunforma a s'art. 90 de entregai a s'Ufitziu Staff de su Sìndigu finsas a sa scadèssida de su mandau de su Sìndigu;

FAIT SCIRI

In cumpridura de sa Determinatzioni de su Responsàbili de su Setori I - Econòmicu Finantziàriu, Risorsas Umanass e Aministratzioni Generali n. 274 de su 15/03/2021, chi at aprovau custu schema de avisu cumenti puru su *fac-simile* de dimanda **est apariciada sa procedura cumparadora pùblica cun sa tarea de s'assuntzioni de n. 1 (una) unidadi de personali de imbordigai in su profilu de "Cullaboradori Professionali", a tempus determinau e part-time n. 2 oras a sa cida finsas a sa scadèssida de su mandau de su Sìndigu**, de ponni aintru de s'Ufitziu de staff de su Sìndigu cunforma a s'art. 90 de su D. Lgs. n. 267/2000 e s.m.i.;

S'arreconnòscida de su sugetu de pigai a traballai at a èssiri fata "*intuitu personae*" deretu su Sìndigu castiendi is curricula entregaus de cussus chi, portendi totus is requisitus pedius, apant

amostau interessamentu a s'entrega de s'incàrrigu in ogetu, fendi presentatzioni furmali de dimanda de partecipatzioni, sighendi is maneras inditadas innoi asuta;

Cunforma a s'artìculu 4, comma 3, de sa Lei 10 de abrili 1991, n.125, cumentu puru de su D. Lgs. n. 198/2006 "còdixi de is pari oportunitadis intre mascu e fèmina", a is candidaus de ambus duus est assegurada sa pari oportunitadi po s'intrada a su traballu e po su tratu in su logu de traballu;

ART. 1 - OGETU DE S'INCÀRRIGU

1. Su candidau (dònna borta chi si chistionat de “candidau/us” si bolit nai siat mascu e siat fèmina, cunforma a su D. Lgs. n. 198/2006) scioberau e assùmiu cun cuntratu de traballu a tempus determinau e part time n. 2 oras a sa cida finsas a sa scadèssida de su mandau de su Sìndigu, at a depi fai atividadi de apoderamentu de su Sìndigu, cumprendi is tareas chi ddi ant a donai intre cussas previdias in sa deliberatzioni de sa G.C. n. 3 de su 22.01.2021 chi at apariciu s’Ufitziu de Staff, chi si ponint innoi asuta po fai esèmprius mancari no funt totus: *“At a depi traballai impari po s’apariciadura de atòbius de genia pùblica apitzus de allegas strategicas specifìcas, scioberadas de su Sìndigu e de sa Giunta; traballai impari de manera sinèrgica cun totu sa struttura apariciadora e, in manera particulari, coidat sa comunicatzioni bia a is tzitadinus; coidat e spratzinat atruessu de is media de is noas chi pertocant a s’atividadi politica e de governu de su Sìndigu e de sa Giunta comunali; filtrai e castiai is pediduras de atòbiu e intervistas po su Sìndigu e sa Giunta; apariciadura de cunferèntzias po s’imprenta po donai decraratzionis, postas, scedas e comunicatzionis ufizialis, ecc., opuru presentai programmas, iniziativa e eventus aparicius de s’enti”*.

2. Su candidau scioberau at a depi cullaborai deretu cun su Sìndigu e cun is òrganus de indiritzu políticu generali, cun sugetus de aforas, m istituzionalis e no istituzionalis (p.a., entis, assòtzius, tzitadinus) e internus (Segretàriu Comunali, Responsàbili de Setori, ecc.) e at a depi cumpriri is tareas cosa sua in autonomia, flessibilitadi e disponibilitadi.

3. Est assegurada sa pari oportunitadi inre mascus e fèminas po intrai a traballai, aici cumentu previdiu de su D. Lgs. 11 de abrilu 2006, n. 198 (Còdixi de is pari oportunitadis inre mascus e fèminas) e de s’art. 35 de su D. Lgs. n. 165/2001, e s.m.i.

4. Custa procedura no donat logu a sa apariciadura de nisciuna graduatòria concursuali de meressimentu.

ART. 2 - TRATAMENTU GIURÌDICU E ECONÒMICU

1. Sa relata de traballu at a èssiri apariciu atruessu unu cuntratu individuali de traballu subordinau cun unu imbordigamentu a tempus determinau e partziali po n. 2 oras a sa cida finsas a su mandau de sa scadèssida de su Sìndigu.

2. S’incuadramentu acontèssit cun su profilu professionali de “Cullaboradori Professionali”, de su *CCNL Comparto Funzioni Locali* firmau in sa dii 21.05.2018.

3. Su cuntratu chi pertocat a s’incàrrigu in ogetu est annullau de deretu in s’acontèssiu chi su Comunu decrarit su sderrocu, siat in acontèssiu deficitàriu de struttura o de dònna manera in s’acontèssiu de sa serrada antetzipada de su mandau de su Sìndigu, dèpida a calisiat arresoni.

4. S’incàrrigu in prus at a podi èssiri pinnigau de calisiat tempus, apustis de unu provedimentu scritu de su Sìndigu, ca tenit e totu genia fiduciària.

5. Su tratamentu stipendiali tabellari chi tocat est cussu cuncordau po su “Cullaboradori Professionali” a tempus intreu, a intreu de is ritenutas de lei de torrai a apariciu a is duas oras a sa cida.

6. In prus de su stipèndiu tabellari ndi depint donai puru s’indennidadi de compartu, sa de trexi mensilidadi, su tratamentu econòmicu alliongiau cumentu puru is atrus pagus chi ddi tocant sighendi

is CCNL vigentis.

ART. 3 - REQUISITUS DE AMITIDURA

1. Po s'omitidura a sa procedura tocat a tenni custus requisitus:

- a) tzitadinàntzia italiana o de unu Stadu membru de sa Unione Europea. Funt agualaus a is italianus cussus tzitadinus de is Repùblicas de San Marino e de sa Tzitadi de su Vaticano;
- b) gosu de is deretus tzivilis e políticus. No podint fai custus traballus cussus chi funt stètius bogaus de su eletorau políticu ativu e cussus chi siant stètius bogaus o dispensaus de s'impreu in una aministratzioni pùblica po mori de unu rendimentu sighiu insuficienti cumentu puru cussus chi siant stètius decraraus decadèssius de unu impreu statali cunforma a s'art. 127, comma 1, litera d) de su Testu Ùnicu de is impreaus tzivilis de su Stadu, aprovau cun D.P.R. 10.01.1957 n. 3, po àiri cumpriu s'impreu atruessu de sa produssidura de documentus frassus o vitziaus de inbalidesa chi no si podit aconciari;
- c) idoneidadi psico-dìsica a su traballu e a is mansionis de su profilo professionali pediu;
- d) posidura regulari respetu a is cumandus de leva po is concorrentis mascus;
- e) no àiri arriciu cundennas penalis o provedimentus definitivus de medidas de prebènnida o procedimentus penalis sighendi is acotèssius prevìdius de sa lei cumentu arresoni de licenziamentu, o puru, ausèntzia de cundennas penalis o procedimentus penalis ativus chi potzant apariciari arrescidura a sa apariciadura e/o pompiadura de sa relata de traballu de is dipendentis de sa aministratzioni pùblica;
- f) no depit èssiri me is cunditziunis numenadas de s'art. 5, comma 9, de su D.L. n. 95/2012 e me is càusas de inconferibidadi e incompatibidadi prevìdia de su D.Lgs. n. 39/2013;
- g) esperièntzia política e/o professionali in sa Aministratzioni Pùblica po unu tempus no prus piticu de 10 annus;
- h) connoscèntzia bona de s'impreu de trastus e aplicatzionis informàticus prus spainaus de Windows (Word, Excel, ecc...) po apariciari testus e follus de càrculu, Curreu eletrònicu, Internet;

2. Is tzitadinus de is Stadius membrus de sa Unioni Europea depint tenni custus requisitus:

- a) gosu de is deretus tzivilis e políticus puru me is Stadius de lòmpida o de appartenèntzia;
- b) poderiu, a foras de sa tzitadinàntzia italiana, de totus is atrus requisitus prevìdius po is tzitadinus de sa Repùblica;
- c) connoscèntzia bona de sa llingua italiana.

3. Cun sa tarea de sa valutatzioni, ant a depi castiai atrus tìtulus eventualis inditaus me is curricula presentaus, cumentu puru s'esperèntzia política e/o professionali, cumentu po esèmpriu sa connoscèntzia de is processus e de is stremus aministrativus de sa Aministratzioni Pùblica; gestionbi de sa comunicatzioni de aintru e bia a foras;

4. No depint èssiri, po cussu chi pertocat a is tareas pròpias de s'incàrrigu chi s'at a tenni in su Comunu de Maracalagonis, in unu acotèssiu de cunflitu de interessus, mancarì potènziali sceti.

5. Is requisitus de amitidura depint èssiri tentus a sa dii de sa scadèssida de su tràmini cuncordau in s'avisu pùblicu po sa presentada de sa dimanda de amitidura, pompiaus finsas a su tempus de s'assutzioni in servìtziu e in s'igidura de sa relata de traballu. S'acramentu de sa farta puru de unu sceti de is requisitus prescritus ocasionat sa cumpridura de sa procedura comparativa e, in calisiat tempus, sa sciusedura, sa decadèssida de su traballu e de benefitzius eventualis giai arricius.

ART. 4 - DIMANDA DE PARTECIPATZIONI

1. Sa dimanda de amitidura depit èssiri scritta in paperi liberu, cun sa dii e sa firma, e **at a depi lompi chene tradus aintru de su 30.03.2021**, imperendi custas maneras:

- cun su curreu eletrònicu tzertificau, imbiau a s'indiritzu protocollo@pec.comune.maracalagonis.ca.it.

Sa dimanda cun totus is alliongiaus imbordigaus depint èssiri firmaus totus e imbiaus in unu file sceti in furmau pdf, impari cun una fotocòpia de unu documentu de identidadi ancora bàlidu de su candidau e sceti de una casella Pec personali de su candidau;

- imbiendi una arregumandada de su servìtziu postali cun avisu de arricida a custu indiritzu: Comunu de Maracalagonis - Ufitziu Protocollo, bia Nazionale 61 - 09069 - Maracalagonis (Tzitadi Metropolitana de Casteddu);

- entrega a manu anca s'ufitziu protocollo de s'Enti in bia Nazionale n. 61, 09069 Maracalagonis in custas diis e oràrius: lunis-cenàbara oras 09-11, lunis e mèrcuris oras 16.00-17.30;

2. Sa cunfrima de sa presentazioni fata me is tràminis acotessit;

a) po cussas imbiadas cun sa PEC:

- dii e ora de imbiu no apustis de is **oras 23.59** de sa dii **30.03.2021**.

b) po cussas imbiadas cun su servìtziu postali:

- ant a depi lompi a su protocollu comunali aintru de sa dii **30.03.2021**;

c) po cussas entregadas a manu anca su Protocollo:

- s'entrega at a depi lompi aintru de is **oras 11.00 de sa dii 30.03.2021**;

3. No ant a èssiri amèttias ma bogadas is dimandas imbiadas cun su curreu eletronicu costumau (e-mail).

4. Su tràmini scioberau po s'arricida de is dimandas e de sa documentazioni alliongiada est frimu e su Comunu no si pigat nisciuna responsabilidadi po sa pèrdida de comunicazioni po mori de una indicazioni mala de su recàpitu po parti de su concorrenti o puru po sa comunicazioni fartada o atradada de una mudàntzia de indiritzu cun cussu postu in sa dimanda, e nemancu po strobis eventualis de curreu o telegràficus o, de dònna manera, alliongiaus a atra genti, a acotèssius stròllicus o fortza majori.

5. sa bùssida cun aintru da dimanda de partecipazioni o in s'ogetu de sa PEC at a depi amostai custa scritta: *“Domanda di partecipazione alla procedura finalizzata al conferimento di incarico ai*

sensi dell'art.90, comma 1, D.Lgs.267/2000 presso l'Ufficio di Staff del Sindaco”.

6. In sa dimanda de partecipazioni, fata sighendi su alliongiu A de custu avisu, is candidaus ant a depi, de manera obligatòria, decrarai:

- nòmini e sangunau;
- dii e logu de nascidòrgiu e puru sa bivèntzia e is recàpitu;
- su poderiu de is requisiti generalis e professionalis prevèdius de s'art. 3;
- su domiciliu aundi, po dònna cosa, ant a fai totus is comunicatzionis, cumentu puru su recàpitu telefònicu eventuali o indiritzu mail costumada/pec. In acontèssiu de comunicatzioni fartada at a balli sa residèntzia decrarada.

ART. 5 - DOCUMENTAZIONI DE ALLIONGIAI

1. A sa dimanda de partecipazioni su candidau at a depi alliongiai:

- unu curriculum formativu e professionali apariciu, in furmau europeu in paperi liberu, cunforma a is art. 46 e 47 de su D.P.R. 445/2000, cun sa dii e firmu beni, aundi ant a depi ponni, deghinò no at a èssiri valutau, totus is elementus arrechèdius po ndi permiti unu apretziamentu po parti de sa cumissioni (genia, enti e dii de entrega, cumintzu e acabu pretzisu de is tempus de servitziu, ecc);
- fotocòpia documentu de arrenoscimentu personali.

2. Is candidaus ant a depi firmi po intreu donna follu de su curriculum e de calsiat atru alliongiu chi ddoi est. Sa firma de su sutascridori no at a depi èssiri autenticada ma alliongiada de una còèoa de documentu de arrenoscimentu personali ancora bàlidu.

3. Sa bogadura eventuali est ocasionada cun provedimentu arrexonau de entregai a cussus imbordigaus.

ART. 6 - VALUTAZIONI TÌTULUS E SCIOBERU DE SU CANDIDAU IDÒNEU

1. Apustis de sa scadèssida de su trèmini postu de s'avisu pùblicu, is curricula presentaus de is candidaus benint castiaus e valutaus de su Sìndigu cun s'aggiudu de unu Funtzionàriu comunali, cun sa tarea de ndi averiguai is impèllidas de su canidau a sa cumpridura de is funtzionis de ndi entregai.

2. S'entrega de s'incàrrigu est donada cun decretu sindacali arrexonau impreau cunforma a s'art. 50, comma 10, de su D. Lgs. n. 267/2000;

3. Su Sìndigu si podit chistiri su scioberu de no sighiri a innantis chene entregai a nemus cussu incàrrigu.

4. S'arresultau finali de sa procedura cumpria benit publicau in sa home page e in sa setzioni “Amministrazione Trasparente” - sutasetzioni “Bandi di concorso” de su giassu internet de s'Enti a s'indiritzu www.comune.maracalagonis.ca.it.

ART. 7 - TRATAMENTU DE IS DATUS PERSONALIS

1. Arrespetendi su Regulamentu UE po s'amparu de is datus personalis n. 2016/679 (GDPR) e de su D.Lgs. n. 196/2003, si fait sciri chi su tratamentu de is datus personalis at a èssiri fundau a pitzus de sa liceidadi e a su currìgiu in s'amparu prenu de is deretus de is concorrentis e de su resguardu cosa insoru e at a acontèssiri sceti po is tareas de gestioni de sa procedura e de su procedimentu eventuali de assuntzioni, imperendi puru trastus eletrònicu s e automatizaus e de dònna manera cun trastus bonus a assegurai resguardu e seguresa.
2. Casumai su candidau no siat a disposidura po fruniri is datus e sa documentatzioni pedia de custu avius, no s'at a podi fai su caminu cumparadori po issu.
3. Su "titolari" de su tratamentu est su Comunu de Maracalagonis in sa persona de su Sìndigu pro-tempore.

ART. 8 - TRASPARENZIA AMINISTRATIVA

Cunforma a is artt. 4 e s'ghidoris de sa L. 07.08.1990 n. 241 e s.m. si fait sciri chi sa unidadi organizadsora chi est imbordigada in s'istrutòria de su procedimentu est s'Ufitziu Personali, tel. 0707850227-7225, e-mail: enrico.ollosu@comune.maracalagonis.ca.it, aundi est possibili pediri informatzionis e acramentus me is diis de lunis-cenàbara (oras 9.00-11.00) e de lunis e mèrcuris a merì (oras 16.00-18.00).

ART. 9 - NORMAS FINALIS

1. S'Aministratzioni si chistit su scioberu, cun provedimentu arrexonau, de perlongai o torrai a oberri is trèminis de sa procedura. Intzaras, aturant bàlidas is dimandas entregadas a innantis, cun sa sceda po is candidaus de nci aciungi, aintru de su trèmini nou, sa documentatzioni alliongiada.
2. S'Aministratzioni si chistit puru su scioberu de mudai, bogai, arresci o no s'ghiri ainnantis cun sa procedura comparativa in acontèssiu chi nc'ant a èssiri disposiduras de lei noas o diferentis, arresonis noas de interessu pùblicu, mudàntzia de s'acontèssiu de fatu, arresonis noas chi arrescint puru bia a posiduras interpretadoras noas spratzinadas de is autoridadis aministrativas e contàbilis imbordigadas.
3. Po cussu chi no est cuncordau de custu avisu chi est *lex specialis* de sa procedura cumparadora, si imbiat a is atras disposiduras vigenti po custa allega.

Maracalagonis, 15.03.2021

Su **Responsàbili de su Setori**

Dot. *Enrico Ollosu*